



鄭詩目錄

卷之五

送何仲默遊關中六首

浙江別王崇賢

江上贈汝厲侍御之荆湖

同留克全丁文範董文玉西湖泛舟遂歷

湖上諸山

武穆吟三首

登太山日觀峰

遣愁

北風

隱憂

出門

滄洲夏夕

對月懷閩中諸子

大田篇二首

夢惟可為余作山中草堂

駕出北平

秋晚直南省二首

九日與倪宗正祝鳴和登觀星臺

送汪希會還武昌題得彭蠡

黃巖黃宗賢為余築室羽山招與共棲未

果守官鬱鬱輒有東路之思奈故鄉多

難欲歸不可行當赴其招矣記興二首

答祝鳴和

佳人篇

贈呂愛員外

芳樹篇二首

答孫太初

壽日成禮奉天門

歲晚

答林德敷

早起赴思道索飯

月下聽王稚欽彈琴

送陳生赴韶州戎幕三首

讀魏鈺詩

至日長陵陪祀

邊將

弔劉蕡祠

寄徐可大黃門

題金司寇芙蓉溪草堂

寄汪令希舜

塞上

卽事

送人遊衡山

送龍相赴榮府

白鶴

冬夜過稚欽

蘇蕙娘織錦七解

贈汪希周

妾薄命

梁之石操上楊國老

玄明宮行

雪山歌和薛君采

贈宋鴻

燕歌

游俠篇

沱水三章

鞠歌贈思道

羽獵誼三首

題夏仲昭畫竹

南郊改卜陪陳司馬視牲

人日得諸友書六首

送人遊鄴下

送人遊吳興二首

天姥吟

部直

送張汝州

得家信

送陳思慮起金陵

聞道

燕京三首

河隴

憶昔

西山雜詩三首

伍中丞擬歸田索題

送洪南安

野江為舒國裳父作

逐客二首送劉伯儒侍御

山人

新製白氎巾贈崑崙山人二首

周公器弘治初為慶符令賦詩追憶之

鄭詩卷之五目錄終

鄭詩卷之五

閩中鄭善夫繼之著

郡人鄧原岳女高

謝肇淛在杭同校

送何仲默遊關中六首

跨馬出薊門馬行不旋顧丈夫重高勛狹逕有
矩步狹逕非所遵將子恐歲暮多財乃善賈長
袖乃善舞巍巍西昆丘矯首以延佇

其二

延佇如奈何離居生怨惜輸心屈卅夕執手衢
路側神交無古今長道有羽翮晤言念彌久去
去結松柏女蘿乘飄風睠此中乖絕

其三

弱齒逃篇翰中達謝華藻深文用情性擊悅日
已掃簫韶奏虞庭鳳凰出瓊島至音動天地和
者一何寡永言承德輝別爾迺草草

其四

登高望咸都送子過易水朔風何蕭蕭黃鵠逝
未已肴函列百牢涇渭且千里西當太白窟代
有隱君子長孺用高義壺遂且遠舉古道存遺
編睠爾托經始

其五

崦嵫下西日翳翳風景昏虎豹扼九關廣利那
復聞重華不可悟聖智乃沈淪鴟鳶日連類鷓
雛遁其羣矢言引高步行止遵時屯

其六

杪秋行終南箭括高刺天黃河從天下列宿相

勾連何意紫極北狼嘴張其躔南開蠶叢山北
俯邛與鄜廣野闐無人草生鬱芊芊塵飛苦無
象谷變會有然行哉殖元氣 皇圖壽萬年

浙江別王崇賢

避亂安平鎮逢君永夜船何堪萍水跡直落浙
江邊 天子今巡幸崆峒積歲年憂心正如搗
況聽卜居篇

江上贈汝厲侍御之荆湖

浙水重逢地閩州舊話稠雷霆喧獨夜風雨動
三秋騏驥行堪見鷹鷂擊更優他時有諫草知
上岳陽樓

同留克全丁文範董文玉西湖泛舟遂歷
湖上諸山

天畔雲煙清不了仲春風日淨巾袍春坊能事
稱杯竿刺史風流擁節旄青柳歲時臨澤國白
鷗早晚到江臯西湖野意元相識拄杖中流興
自豪

武穆吟三首

南瞻岳王墳拊心訟宣和四海旣無虞樂事一
何多師師入帝側胡兵乃星羅舊時張諫議天
閣語非訛但見戶括金不見士荷戈回首靖康
末志士悲如何

其二

太尉出世姿用兵自神武懷中左氏傳羞與絳
灌伍燕雲唾手得甲卒盡熊虎北開玄冥天南
靖朱光土國耻猶未雪百勝曷足數誓將與諸
君痛飲黃龍府不觀潁昌旗氣已吞胡虜

其三

英雄無奈何氣數乘人事宋德但末光椒房生
夢寐北狩不可返上天有成意壯士自苦心奸
臣自長計蠟書晨到門將星夜墮地平生四字
符竟落氣數裏桓桓蜀武侯殺身志乃已

登太山日觀峯

東嶽乾坤定黃河一縷分日排瀛海浪天入薊
門雲魯道傷吾志秦碑自夕曛未堪䟽遠目萬
里正稜氛

遣愁

問途青草坂，捩施白榆林。
暑雨東方急，河泥五月深。
低回長棄馬，淹泊未棲禽。
商調何悲切，從誰覓賞音。

北風

北風天際下，舟楫夜相聞。
白草懸胡月，黃沙長塞雲。
鸞旂猶小隊，虎旅盡高勛。
崖岬睽乖久，人今已勒文。

隱憂

四海俱疲敝，中原且力支。
路難惟蹭蹬，心苦有棲遲。
草澤龍初鬪，天山矢更遺。
無由濟社稷，哽咽送年衰。

出門

去國淹年歲，出門仍糾紛。
未回塞翁馬，空有野人芹。
山海隨黃燾，風雲駐五軍。
遠慙東方朔，談笑諍明君。

滄洲夏夕

失意對蒲柳，滄洲昨夜風。
野雲依暮笛，客況近

秋空司馬多年病，虞卿薄暮窮。此生隨造物，行止合飄蓬。

對月懷閩中諸子

潞河今夜月，却望晉安城。少谷堂猶在，東峯花正明。旅愁存世故，鄉夢逐人情。展轉懷諸子，風沙吾獨行。

大田篇二首

內使調鷹犬，呼聲動遠陲。萬方多事後，千騎大田時。關塞回金氣，旌麾把健兒。璜溪垂釣者，能載副車來。

其二

禁直三千士，長塞鎮國旗。甲戈迷塞月，繒帛款胡兒。大禮初回蹕，春原更打圍。後車載光寵，不數漢昭儀。

夢惟可爲余作山中草堂

天末夢君子，山中營我廬。江湖無利涉，家室且安居。梅福機事早，鄭虔生計踈。京塵今始便，騎馬亦樵漁。

駕出北平

桑乾西路帶楊河萬乘三秋躍馬過雷澤釣絲
天上應瑤池雲氣暮來多茫茫禹貢真不有款
款祈招亦奈何幕下少年俱貴達袖中長鋏謾
悲歌

秋晚直南省二首

南宮秋晚直更鼓不勝殘鴻鴈夜仍度風霜天
正寒宮車延北望越客滯南冠三輔胡塵裏聞
雞未敢安

其二

清宵夢不徹鴉啼深樹間羯胡同漢月陵寢在
燕山青草乘時長黃旂何日還因風候邊使咫尺見天顏

九日與倪宗正祝鳴和登觀星臺

秋盡繁陰苦不開散愁同立觀星臺日邊閭闔
紅雲動塞上風沙白鳥來秦分正當金氣盛鴈
門未見玉音回百年與爾同羈旅九日同歌黃
竹哀

送汪希會還武昌題得彭蠡

彭蠡何時定康郎水尚多魚龍冬不蟄日月歲
相摩楚客思芳草江城未凱歌星檣候風色安
穩犯鯨波

黃巖黃宗賢爲余築室羽山招與共棲未
果守官鬱鬱輒有東路之思奈故鄉多難
欲歸不可行當赴其招矣記興二首

不分委溝壑上林安一枝官隨年少後拙負故
人知彝鼎終難就簞瓢定不辭故園方苦亂去

採羽山芝

其二

萬事無何有風雲信所爲此生依鮑叔何處覓
鍾期驟裏懷長路芙蓉惜後時嗣宗元玩世不
恨步兵遲

答祝鳴和

一落滄洲懶性便苦吟何有八哀篇美芹但取
隣人笑小草猶慙官長憐白日嘯歌聊自慰赤
霄勲業尚茫然攜琴載酒忘憂得不愛床頭三

百錢

佳人篇

青青壩畔蕉粲粲空谷女頭上金錯釵宛宛鸞
鳳舞腰間碧玉佩娟娟下蘭蕙言採草中英不
踐草上露新製齊紈扇自障復自顧非無合歡
被防身密如堵飄風吹楊花夫君渺何許長恐
時易沉裁悲以延佇

贈呂愛員外

秋雲會崇臺觀子意彌遠新知何草草半饒迭
酬勸同生不盡歡異世乃增戀真交重意氣豈
必日繾綣叢菊有遠芳女蘿有深蔓大道淪滄
溟相期汎波瀾

芳樹篇二首

芳樹生廣除蒼蒼正輪囷芳樹不自芳拂拂干
紫宸朔風吹樹巔素雪舒其神今日曷不樂公
堂有嘉賓把酒對蘭楹懽來不能陳微言托哀
竹惠心欵以伸

其二

吾皇嗣歷服神武古絕倫拔劍下大荒裔夷率
來臣大食獻寶刀大宛獻麒麟單于獨犯順戎
衣不及晨軍聲動地起旦日至西秦分金賜五
侯衛霍不愛身萬國拜稽首三祝何諄諄但令
修文德王度永無愆

答孫太初

平生孫處士雲水誼難忘遁世思公輩卜居真
此鄉名高多寂寞道在亦翱翔徐福終入海蓬
萊意甚長

壽日成禮奉天門

初日鴉啼宮樹林奉天高殿氣駸駸衣冠況值
千秋節犬馬真懸萬國心白羽書來兵未解黃
河水落歲將陰龍旂鳳輦關山道邊事辛勤風
雪深

歲晚

鴈去陰山白草生六邊風急翠華行玄冥天外
連霜雪上谷年來厭甲兵萬古羯胡終不滅三
吳財賦已無征漢家未罷輪臺役歲晚迢迢江

海情

答林德敷

曼倩淹平世揚雲困太玄此生元濩落夫子最
相憐跡逐捐金市心卑扣角篇鯢桓去不遠脫
屣歲寒天

早起赴思道索飯

晨朝不舉火去扣故人門坐見相忘意終啣一
飯恩醞謀蘇軾婦蔬摘長卿園童穉能看客文
章不諱言粗豪吾豈敢道誼爾應存陶令時獨
往杜陵歲七奔從來略溫飽以此信乾坤萬事
羈孤極元憑好弟昆

月下聽王稚欽彈琴

昭文鼓綠綺六氣指間流王子梅花思飄飄下
隴頭月華終勝雪商意自成秋今夕西方夢佳
人不散憂

送陳生赴韶州戎幕三首

閩海三山下韶州五嶺南東風鷁首去長路馬
蹄諳蠻井歌堪聽軍門劔可談丹砂真易得吾

欲解朝簪

其二

月下棲烏樹，天邊過鴈羣。
生涯隨逆旅，幽獨倍憐君。
百粵茲多難，今時未尚文。
南遊得蠻府，愁殺郝參軍。

其三

已息河間轡，仍麾嶺外旌。
艱危一命寄，牢落二毛生。
銅柱時存漢，烏蠻歲厲兵。
憑將攻守策，愴慨說花卿。

讀魏鈺詩

魏鈺新聲出，篇篇有古風。
夜珠光照乘，天馬勢行空。
邑宰深相識，經生本自窮。
昆城依隱地，祗憶鹿皮翁。

至日 長陵陪祀

長陵西接黃花鎮，白雪蒼巖夜色遙。
陰殿袞龍猶在目，往時松柏已干霄。
總聞一怒風塵起，想見千官遷次朝。
悵極兩京興廢事，小山何意起漁樵。

邊將

十月黃沙動陰山白雪高胡雛憑剽殺漢馬辟
羶臊王道須無外天戈自有操莫令耕稼地歲
歲泣弓刀

弔劉蕡祠

自昔悲歌地劉生有墓祠祗餘經世志況值諱
言時去國英雄盡還山事業遲黃金舊堂北搔
首動遐思

寄徐可大黃門

往年遊白下汎愛有徐卿令弟今相問憐君久
振纓歲星還自照諫草未全行謝傳東山臥秋
風社稷情

題金司寇芙蓉溪草堂

綿州城東涪江北芙蓉溪水逼高寒人今未向
草堂臥花更何年駟馬看雲錦娟娟臨歲暮白
鷗款款並風湍漢庭近事須君子黃髮高歌承
露盤

寄汪令希舜

彭門當太白劔閣帶青城此地神仙窟春風枳
棘情桃花栽欲遍蜀道去還平知爾丹成日雙
鳧凌紫清

塞上

沙黃草白雲色寒漢主追胡青海灣後命連催
羽林騎前軍飛度玉門關南郊禮樂終難廢北
狩旌旗何日還李牧昔時惟自守暮年牧馬到
陰山

卽事

赤縣山河在黃龍沙塞長祗憂胡部落不着舜
衣裳驃騎年年沒單于世世強僕姑寒射月窟
策夜含霜寶轂猶深入金稍或轉傷前車未爲
遠神武有英皇

送人遊衡山

衡山開漢沔高者祝融峯羨爾爲官地看雲長
道容齋居夢波浪冬日見魚龍定有冥栖客巢
君紫蓋松

送龍相赴榮府

去爲朱履客瀟灑向王門君有神仙質官曹入
故園乘風帝子閣種木武陵源莫弔長沙傅荆
蠻處處猿

白鶴

廣野聲仍度華軒意不忘只疑霄漢遠其奈網
羅長宿處隨鴛鴦鳴時學鳳凰終當蓬闕去天
路永翱翔

冬夜過稚欽

禁木棲烏盡城樓戍鼓催暝移中散駕時接仲
宣才道術吾全未詞場力擬迴清風廣陵散愛
爾數能來

蘇蕙娘織錦七解

扶風蘇蕙娘織錦不下堂朝朝理機杼字字迴
肝腸織就遠寄將夫壻在襄陽

一解

夫壻別有權置妾長門芴新愛正糾結舊恩一
時忘

二解

仰看天上星環轉如車輪經緯自有度卑尊豈
無倫憑妾手中梭愬妾心上棼縱橫八百字反

覆各成言妾心方悔悟君心儻回旋 三解

蒼蠅點素縞嫉妬無愧好憶昔君別妾人事何
草草君逐陽臺雲一去斷音耗妾似芙蓉花芳
妍向誰道 四解

朝雲歌未已隴水鳴不止願作青陵臺同生復
同死 五解

琉璃易破折紈扇輕一擲生前參避辰死後致
魂魄 六解

白頭且莫宣紅顏多棄捐安得寶連波解妾回

文篇 七解

贈汪希周

朔風吹歲花之子意律光矧茲日初度乃值履
長月賓筵擊朱絃調急新商發君才當雄飛一
舉偃溟渤培風向天池九萬豈天闕終焉到彼
岸去去忘其筏北辰久未安櫂槍耀雙闕睠爾
弧矢志翻身射星孛大業猶次且誓言共黃髮
妾薄命

翩翩竝命鳥步步相諧悅中道忽分散鳴訴哀

以切有生諒同懽有死願同穴衆雛羽翼短詎
忍兩訣絕蘭芳不如桂荼苦不如蘂妾身未能
亡惡此中衰歇雙星下洞房流景何光潔照見
君衣裳不見君顏色重泉睠有期海水亦有竭
巍巍蒼梧山竹淚無時滅

梁之石操上楊國老

梁之山兮岳岳其砥石之磐磐興雲及雨膚合
之施其誰弗被立天之中君子不匱天常西虧
地亦東潰我不爾奠曷其有位大皇時行大浸
時滋懷貞用敦君子以幾

玄明宮行

君不見玄明宮中聚金碧云是權璫結真宅貝
闕憑陵上帝居彤臺照耀長安陌瑀龍鑄虎歛
飛動至今赤日風雲黑崖壑天開朔漠搖鯨鯢
日吼滄溟仄探奇祗見靈怪集矯首翻詫星辰
迫西國祗園應渺茫六朝蕭寺空千百白龍胡
爲作魚泣想爾當年勢輝赫土木經營動四方
珍奇聯絡來重譯分明造化出其手左揮右霍

何不得欲將燕市作蓬山便有神人爲驅石奸
雄到死竟不悟驕奢之末無終極氣數相乘可
自由李猫趙鹿空回頭君不見大市街頭權倖
路古來壘粉誰曾收

雪山歌和薛君采

君不見南宮少谷老麻鞋布褐色枯槁萬事都
歸混沌裏一生但結江山好未卽乘牛函谷關
尚須跨馬長安道長安歲暮雪滿城毳雪便築
山崢嶸巖竅踞地虎豹急星躔斗轉山河明玉
女峯前瑤作臺夸娥一夜輕移來袍笏真當米
芾拜詩篇屢荷鄒陽裁階墀把玩已兩月皓氣
遙遙正相得塵土誰分冰雪姿市朝聊寄煙霞
癖未妨頽易旋補葺時見消融勢尤岌嘯月長
聞白鶴回合風豈恨青陽及青陽青陽謬相放
金石瑱瑱本波浪適來天地入虛無何事么麼
論消長

贈宋鴻

憐君羽翼晚矯矯若驚鴻夜躡燕山雪春生楚

澤風霄漢去不極
稻梁行當逢
遐方倦飛鳥猶
自觸樊籠

燕歌

雲鴻下雀羅越客變燕歌
燕歌聲激烈越客悲
奈何長歌劔斫地短歌髮直豎
朔風吹易水四座俱殞淚
少年羞睚眦壯士重意氣
拔劔殺仇家生死無顧忌
猛虎欲攫人不擇愚與賢
食膽中自知豈避猛虎前
出門遠孤征雄劔終夜鳴
竄身脫蘆下亡命入幽并
幽并多豪俠結交踰平生
杯酒接然諾信義何分明白
日高漸離筑聲愴以怍
田光爲君起片語謀立成
荆卿獨忼慨舞陽乃輔行
上馬報仇去土花照青冥
秦庭事一就千載揚令名

游俠篇

長安逢少年意氣何昂昂
鳴鞭六陵坂先驅勢正強
戒途列萬騎一一羽林郎
饒吹動地來颯沓若雲翔
回前五花驄寶馬金絲韉
腰間雙龍劔吳鈎飾英璜
弄兒十四五藉綺凝素光
行行

且游獵游獵及上陽張弧向大漠忽墜雙飛鷁
持歸平樂宴象筵歡未央借問此何誰云是漢
金張六年起卒伍一日傾侯王丈人天帝子出
入乘金闥揚聲重綸綽流燄爍朝堂逆鱗不可
嬰大阿手所將乃知朱門貴溢恩胡可量

沱水三章

仙人騎白豻遠在蒼梧山我欲往從之沱水深
以瀾沱水深可厲蒼梧鬱嶺屹

其二

雲門何皇皇遠在洞庭岸我非沱上鳧日夜汎
波瀾

其三

言采蘼蕪草思心倏如摧不見王孫歸但見章
華臺

鞠歌贈思道

垂桑弓挂蓬矢旦夕如長鳧誰將哺爾烏來啄
粟飛入網羅將爾含哺向濉河河水瀼瀼黃沙
淫淫琴絃自有心翻奏山水音流響入明堂錫

爾龍鳳章但得龍鳳章不願尚書郎持歸報爾
父母父母之恩安可畢歌黃鍾鼓朱瑟高堂沉
沉射紅日

羽獵誼三首

君王自擁鷓鴣裘獵騎翩翩盡貴游歸來錫宴
傳封拜狗監雞坊十二侯

其二

羽林十萬是親軍漁陽鐵騎天下聞廐馬長留
太白壘胡天驚散犬羊羣

其三

今年天子又行邊勅報旄頭照酒泉乘輿自領
驃姚部內使宣頒九府錢

題夏仲昭畫竹

蒼梧春欲至翠篁風雨深雲梢洒不亂流影下
湘陰杳矣虞妃淚悠哉君子心鳳凰去已久對
爾想遺音

南郊改卜陪陳司馬視牲

南苑春風吹暮寒月華光湧紫芝壇上卿劔履

中宵出大祀牛羊隔歲看早報簡書回萬乘竟
何齋沐散千官園丘想像天威切猶道胡兒戀
克汗

人日得諸友書六首

歲晚通明閣登臨念我深故山歸未得叢桂蔚
森森人日雙魚信遠天黃鳥音如何莊舄貴翻
動越鄉吟

其二

聞爾浮南海鯨波隔歲回翻將謝傅興轉作步
兵哀地到朱方盡舟從日下來交州拾蕙苾誰
識葛仙才

其三

吾愛方山老巖崖湛世情成都賣卜久不道是
君平文陋齊梁體音收正始名赤霄天驥步他
日與橫行

其四

女方尋九鯉余苦憶丹丘萸莢生無盡璫花采
未由菟園枚叔侍牛渚客星浮杳杳孤槎外相

思天漢流

其五

不跨山公馬春今薛老峯前時紫芝曲尚繞白
雲中霄漢慙棲棘泥沙想蟄龍明朝解組去共
醉薜蘿叢

其六

爾同鄴下士染翰擅詞場余豈東方朔猶含漢
署香放身滄海上得句白蓮塘遲暮思君子春
來數鴈行

送人遊鄴下

鄴城魏七子文藻亦吾師四牡君今去風流端
在茲荒蕪銅雀榭寂莫武安祠獨有韓陵石黃
沙歲歲吹

送人遊吳興二首

黃龍洞下雲色深雪水茗溪吏隱心東道若逢
孫處士青春須寄峴山吟

其二

鳩茲城邊望不稀翠木朱藤罨畫溪津吏揚舲

樂詩 卷之五
倡歌去溪花十里使人迷

天姥吟

山人住在天姥陰
憶余曾登天姥岑
雲樓雪磴參差起
下控桃源幾許深

部直

春懷耿不寐
悵望宛京天
鶴到中宵唳
星分萬井懸
燕雲時少耗
郊禘日虛傳
常想南昌尉
先存諫諍箋

送張汝州

汝水元依洛
嵩山直配天
今君簿領去
兼結山水緣
世路黃塵裏
官曹紫邏邊
誰能廢組綬
跨鶴去翩翩

得家信

未覺今爲是
田園報已荒
蠻雲深結白
朔日迥含黃
社稷已如此
公卿猶病狂
冠裳風一變
戰伐意何長
爵可加天位
勛兼擬法王
甘泉久抗疏
不得達明光

聞道

聞道漢天子身封鎮國公家初營上谷臣得賀
離宮鐵券傳何急將軍氣盡雄郊牛凡五卜車
駕想河東

送陳思獻赴金陵

昔慕蔡夫子今知陳使君深居避矰弋用志到
羲文却向金臺別翻將寶劍分秣陵依隱地養
拙幸相聞

河隴

河隴時多事兵車歲幾奔猶聞遣太僕長計向
軍門胡羯方酣戰驂騶盡不存西歸報天子
已到渥洼源

燕京二首

將軍白馬紫金鞵按鞚聯綏御座前並誇異姓
稱皇孽不用長纓係奠犍

其二

緋衣紫甲入東華羯鼓鏡歌散御花邊士盡騎
天廐馬燕姬翻泣五雲車

其三

山後諸胡寇朔州 君王按劍到邊頭二月凱
歌班士馬天閑遺却萬驂騑

西山雜詩三首

春盡一到此散愁幽意繁西湖草已綠南國桂
應蕃宮殿浮今日山河控北門時艱羨飛錫來
往給孤園

其二

昔日西湖釣 宣皇遊幸來至今鮫室裏彷彿
錦雲開歲月芙蓉殿關山龍虎臺東巡志更遠

誰挽八鸞回

其三

西山五百寺多傷北邙岑土木春巖盡樓臺海
霧深僧皆傳玉食地更壘黃金縱目翻愁極長
安歲歲陰

憶昔

憶昔 先皇帝黃金高築臺劇辛自趙往鄒衍
復齊來今日風波事誰當砥柱材金雞還浩蕩
黃雀總涓埃久見文昌厄何論國士災君看黨

銅傳千古使人哀

送洪南安

平生洪大理樸直古人心
執法漢庭上春風吹
六陰一麾橫浦去相失
庾山深他日逢梅使聽
歌行路吟

伍中丞擬歸田索題

伍公江海思魚鳥久相安
擬逐鴟夷去翻憐鍊
牙冠蘿雲藥圃細竹月
錦堂寒矍鑠風塵裏憂
時且據鞍

野江爲舒國裳父作

徐穉藏身在南州臥不妨
經年歌白石乘月下
滄浪江抱洪都府堂開
輞口庄藍田種有玉磻
水釣惟璜會見蛟龍起
俄驚鶴鶴翔無由相高
志把贈芟荷裳

逐客二首送劉伯儒侍御

黃衫白馬簇金臺逐客飄飄去
不回莫向猿聲
墮清淚銅環椎髻解憐才

其二

真言 卷之五
尉陀城外汎雲槎西望峨眉隔木華若道日南
天萬里歸心一夜過三巴

山人

稅鶴停鸞去不分玉簫瑤瑟散春雲日暮天花
吹建水曾孫重拜武夷君

新製白氎巾贈崑崙山人二首

細葛新裁白氎巾風塵把贈武陵人漁樵早晚
相攜去五色瑤花好自紉

其二

萬里黃河天漢通崑崙遙帶碧琳宮青牛已度
流沙去述作虛傳河上公

周公器弘治初爲慶符令賦詩追憶之

周君爲邑日江漢盡桑麻帝力誰知識長安無
狹斜但將九溪水頻灌慶符花遙想彈琴處南
風吹未涯

鄭詩卷之五 終

鄭詩目錄

卷之六

同心結二章送德敷赴齊東

送人歸渤海

余侍御珊喜湖

東溘柴門歌陳執之侍御席上與思道同

賦

曹仲禮索巾云將歸具茨兼柬王稚欽

思道屋為暑雨所破為作破屋歌

送人之宣州二首

徐瑞卿給事所藏仲姬墨竹引

南唐後主畫竹引

送屠文治侍御使蒼梧

鄉人

不見

張子言家移旋覆草

吾邦

送蔣君佩視弟還譙

屏息

白紵歌二首

天寧寺送林德緒赴武當

薛君采見過

汪希周料兵淮楚

題虎溪三笑圖

送林以乘謫夷陵二首

秋月

太乙山歌

思道約遊西山病不赴漫答兼問宗林二

首

聞西江亂

與思道敘別四十八韻

十日對酒姚氏園二首

上毘盧閣二首

城戍

臺上

送林茂貞大理二首

陳執之宅同諸君酌菊二首

五子二首

曉入左掖

長安

冬日遊翠微至香山晚歸更酌湖上

正德十四年四首 順門曉直

冬日順門陪九卿請 駕視牲

雪中遊報國寺 南宮對雪

送人之鬱林二首 蜀中歌五首

送蘇侍御從仁使蜀

依依 送人之嶺南二首

夢王伯安 巴人曲

人日 送徐登州問

題呂紀畫鶴 東顧華玉

安期生 送人之金陵

寄安公石黃門二首

漫興 送人之贛州

送李川父赴沔陽 贈方梅墅

送人之惠州

馬伯淳西歸

春暮遊城西寺

山人

送人下第歸蜀

贈夏公謹

別林克相二首

贈吳生

贈山人受封

我昔遠行邁

南歸過姚氏園

崑崙子

安陵阻風

衛河集別

王右軍

南望湖二首

黃河二首

遊金山寺

上妙高臺

蘭陵贈王誕敷使君

贈杭方伯兼柬東卿提學

汎舟遊宜興山水將入張公洞柬杭氏兄

弟

璠州歌五章

鄭詩卷之六目錄

終

鄭詩卷之六

閩中鄭善夫繼之著

郡人鄧原岳女高

謝肇淛在杭同校

同心結三章送德敷赴齊東

文旌出郭門念子赴齊東攬衣起躑躅嘆息不
得同鳳麟久增逝爰居亦避風冥運方險艱去
去隨短蓬

其二

短蓬逐晨風轉徙無滯淫我其鴻與燕乖坼一
何深雲臺志莫就奄忽昔與今平生廣陵散寫
此歲暮心

其三

歲暮心匪夷哀絃久斷絕與子不殊調胡忍相
訣別臨留錦綺場子去守饑渴願保金石志慰
我腸百結

送人歸渤海

爾去秦臺上秦臺秋正繁城深渤海郡草歇樂
陵原蓬閣風雲至若華波浪翻看君有道氣早
晚共騰騫

余侍御珊喜湖

柱史湖邊宅柴扉開皖峯晴天迴鸛鶴暮水迴
魚龍芟服身偏穩漁竿意可慵眼中秋浩蕩爲
爾咏芙蓉

東溘柴門歌陳執之侍御席上與思道同
賦

瀛海之濱龍門高萬峯迴合相騰逃歛忽雲氣

隨六鼇沙蟠石走地不毛八水東飛滌其下青
天白日風雷號蛟龍窟宅掀夜濤深不可測安
可撓天吳海若長周遭豐隆雨師爾所操上天
下天直頃刻沾洒后土如流膏東海仙人騎赤
鯉翱翔盡決三千水下憫濁世意未已六龍鞭
策風雲裏神功一斂容一指太虛不動民安止
柴門蕭蕭水之涘但見金波墮潭底世人不識
柱下史曾進當年圮橋履余也青雲一畸士袖
中三尺龍之子只今濩落甘泥滓乾坤不交國
士耻有往必復自此始惟願爲雲逐君起

曹仲禮索巾云將歸具茨兼柬王稚欽

元是山人白接羅雲遠贈女莫相疑便從夢澤
穿嵩少更歷襄城問具茨

思道屋爲暑雨所破爲作破屋歌

南州暑月氣正溽伏雨衣稠盡如漉宋方轉東
熱更酷渴想宮冰與夏屋不應天氣反北行苦
寒之地炎蒸沃長安敞廬淫雨裏上漏下濕寧
安宿方子新頽籠鶴亭鄭生亦失窮後木郎官

俸薄食拍繁原憲終辭九百斛伏金未伏火未
流虞書曆象今難讀安居美食古所賤陋巷簞
瓢分須足洛陽杜鵑濕不歸願得羲和宅賜谷
送人之宣州二首

白也風流處雲山滿意幽茲爲宛水隱況得敬
亭遊桃李含清夜梧桐下素秋澄江淨何日轉
憶謝宣州

其二

宣城仙聖地山水作名州石控琴高鯉江深謝
眺樓白龍降已久黃鶴喚何由爾去乘雲月飄
飄過十洲

徐瑞卿給事所藏仲姬墨竹引

田郎掉臂登我壇手持一軸青琅玕云是仲姬
真蹟留世間徐卿得之歲應寒煙波淋漓洒不
乾蜩蝮蛇蚶古所難風稍露葉僅尺許遠勢翻
在青雲端燕山六月雨不止暑氣如焚汗如洗
那知此君入我側便有秋聲落吾耳偏側未柁
洞庭流虛無更憶瀟湘水君不見洋州文學士

渭川千畝不盈咫筆鋒取自心眼底但見鷹鷂
隨兔起又不見前時蕭協律能工水墨古無匹
踈寒不作筠粉態瘦勁獨得簫韶質蕭郎丹青
久絕筆洋州鞞材誰祖述勝國諸賢各擅場只
數仲姬入其室至大由來二百春墨痕縑素看
猶新得非尤物自有鬼神護無乃好事者摸擬
非其倫於乎貌物非物人非人天地亦到么麼
津徐卿畫本且莫論眼前萬事誰僞真

南唐後主畫竹引

昇元閣上作賜宋齊丘

君不見彭城彭奴元姓李早入徐家稱帝子又
不見九華山下齊丘生晚入南唐作謀士同時
契合風塵裏草昧君臣若魚水淮北初收格鬪
塵宮中漫得丹青理昇元閣上寫墨竹翠葆蕭
森鳳毛起手書玃重表恩殊御墨淋漓濕桑梓
世代相催猶夢幻金陵畫餅寧復爾帝王從古
多好手人物絢素無不有前有殷武丁物色惟
傳傳巖叟後有宋道君鷹犬驂騮歛飛走丹青
意氣稍或別治亂興亡一回首彭奴彭奴聽我

歌淇水才賢本衆多，但惜九華山不似。傳巖阿
吁嗟乎竹花零亂歲蹉跎，鳳皇不來將奈何。

送屠文治侍御使蒼梧

衰颯仍乖別，羈栖幾過從。鴛鴦無熟路，鷹隼自
秋空。銅柱扶桑下，鬱林滄海東。南征且鄉邑，大
不類秋蓬。

鄉人

令叔吾兄弟，仲容賢姪行。宦情遊里閭，人事近
陰陽。何路通閩徼，中原入戰場。應憐起草石，竟
失浣花堂。太乙長遷次，攬槍轉耀芒。山河醉眼
底，別爾思茫茫。

不見

年來不見孫明復，布褐綸巾何處山。長日著書
元自得，早時譚劍有餘閒。吳門雪水風塵上，麟
閣雲臺天地間。未返初衣重憶女，釣竿何日共
潺湲。

張子言家移旋覆草

旋覆知名草，秋齋不住花。羣芳盡搖落，此地且

年華坐領幽人意行辭處士家相看到霜雪採
掇輔丹砂

吾邦

喪亂秋風起吾邦爾獨回徒傷羈鳥賦不見釣
龍臺少谷芝仍茁南昌角正哀建安七子下流
落仲宣才

送蔣君佩視第還譙

太丘二令子伯也是難兄櫪下垂騏驥原頭過
鵲鴿燕關共臥後亭社獨歸情萬國今戎馬愁

雲日夜停

屏息

屏息經綸志栖遲閭闔雲風塵蒙不解龍虎亂
相聞祇有還山夢空餘諫獵文長纓繫越頸感
激漢終軍

白紵歌二首

白紵歌白紵舞吳趨青童越素女翩翩綺縠鸞
鳳舉流宮轉徵清激楚玳筵瑤膏君莫忘卿雲
燦燦世將昌赤日時下舒以長令君黃耆樂無

疆

其二

蘭陵白紵色勝銀裁縫舞袖當上春調箏考瑟
宴嘉賓送意尊前未敢親東方將明樂不違主
人歡笑容忘歸鐘鼓齊發且復希矯視雲端雙
鶴飛

天寧寺送林德緒赴武當

襄陽使君今欲東優鉢花下行相逢西山爽氣
祇自好秣陵羽書猶未通征伐亂傳車駕出

沅湘亦在風塵中馮良乘馬如可棄傷爾南州
桂樹叢

薛君采見過

薛稷過逢日新詩向我傳聊炊太倉米一誦陝
郊篇薄宦虛談劍危時合引年秋風下滄海擲
置廣文氊

汪希周料兵淮楚

白馬清秋出上京勾陳光照亞夫營中原天
子親提劍南國樓船遠募兵消息祇愁千里草

逋逃新恨九江城漢家歷數元無極吳楚猖狂
終自平

題虎溪三笑圖

東林卓錫地宛在崑崙西蓮社誰堪入廬峯不
可梯一空無色相三笑豈菩提便合攢眉去醜
醜過虎溪

送林以乘謫夷陵二首

宜都三峽口遷客意如何落日黃陵廟秋風駭
浪多巴蠻伐鼓祭江女踏蹄歌莫唱渝州曲猿

聲近汨羅

其二

水部青雲志憂君雙鬢斑同時諫羽獵獨爾竄
荆蠻波撼黃牛峽天連白虎關栖遲下客食直
以長瑜還

秋月

秋月長安社光清太液池蟾蜍終不滅烏鵲竟
何之鐵騎喧今夜金波及四夷關山正阻絕却
向遂中吹

太乙山歌

吾聞終南太乙峯迺在於天都陸海之中巨靈
鼉負與天通丹梯直駕太白窟金精反射蓬萊
宮西南爾是華夷關日月平視如跳丸但見黃
河涓涓下霄漢齊州九點翻波瀾鼇掣鯨掀勢
何勁三星不度龍沙暝華岳峻嶒徒自雄淡陂
盆盎虛相映山中之人負自奇驂鸞翳鵠凌雲
達袖中劔器撥時危林猿臯鶴且莫疑君不見
衛叔卿白鹿雲車謁天子問之不答意何長與
亡已落紋楸裏留侯談笑用漢帝功成麟鳳詎
能係孫登長嘯蘇門山聲似黃鐘動天地達人
修身俟世至得薪用光始有濟才多識寡嵇叔
夜爾曹寧免今之世吁嗟乎終南太乙長崔嵬
虎視龍興安在哉霸王賢達俱塵埃峯頭儻結
三花樹從爾黃冠歸去來

思道約遊西山病不赴漫答兼問宗林二
首

嗟爾棠陵客乖期秋獨歸香山有夙諾幽事忽

相違木石機心損雲霞朔氣微時時夢魚鳥未
返薜蘿衣

其二

昔遊湖口寺猶記釋宗林語我菩提樹恒河深
復深風沙晚識面江海後知音白鶴翩翩去青
天何處尋

聞西江亂

乍發洪都使風傳消息回荆吳得劇盃江漢尚
深哀畫角連城動黃衫自將來萬方思繫虜寧
乏亞夫才

與思道敘別四十八韻

憶昔勾吳日相逢雲水鄉于時最孤寂得汝共
翱翔豈倦登臨費兼存藥石良三春謝氏屐十
度遠公堂大石留腰帶陽山接羽觴秋風白蓮
賦落日洞庭航坐聽吳趨曲行歌子夜央時時
動星象處處有文章雨夕舟偏討公庭事不妨
投膠情最密麗澤意何長作賦相如病彈琴宓
子臧君才當十倍爲宰僅三霜備見嘉禾出胡

云貝錦張邑皆懷范甯人只妬鄒陽日月難終
掩聲名轉益揚幾時停谷鳥獨往釣溪魴人事
尤參錯兵戈逐喪亡爾歸頻洒血余去苦回腸
百粵風塵色三衢荆棘場棠陵居獨穩太末勢
堪傷消息傳誰健艱難到女旁鴻飛多不及豹
隱但相望已分生無日何期此對牀精神寧少
壯鬢髮各滄浪驟見猶疑夢翻思祇欲狂人情
更憐竝天意遂行藏妻子盡相信形骸真所忘
緇塵心少稱青眼慰多方管鮑平時義雷陳後
代光曠懷卑藻飾素業略侯王葵藿元同志雷
霆詎有常賜環憐是月持節向何邦太液秋風
落桑乾木葉黃倏然改節物自此判參商向秀
悲無奈杜陵憂未遑漢皇惟好武堯德本垂裳
欲折淮南馘行穿涿鹿楊迢迢思汲黯隱隱忌
姚萇萬騎虛邊戍深宵引御幢恒山窮鳥獸上
黨泣壺漿征伐名雖正巡遊志莫荒祇須移北
極況已復南昌福德知何處欖槍屢耀芒頓能
憂絕域翻不備蕭牆儒術元迂濶華裾載禍殃

真言 卷之六
申屠甘絕迹大邴尚爲郎江漢情何極鱸蓴興
可償歸期晚自計分手各茫茫

十日對酒姚氏園二首

野老經時病深秋出郭情輞川聊對酒京洛未
離榮小水行丹壑餘花藉綺楹松陰立不倦何
恨暮濤聲

其二

病跨山公馬秋過習氏池遠天鴻鴈盡昨日菊
花期碁局翻相惱鷗羣總不疑生涯抱甕外一
任隱君爲

上毘盧閣二首

遠上毘盧閣崇高望不稀關山仍此地城闕自
斜暉羽檄流星過行營萬馬圍漁陽暮色至引
領翠華歸

其二

閣迥臨虛曠秋高入渺茫燕歌動易水駿骨望
昭王日落城笳起天寒塞草黃揚雄輟扈從空
自賦長楊

城戍

戍鼓長鳴夜軍容更入朝北風塵漠漠南討意
迢迢祇有蒼梧狩能無黃澤謠遐方盡玉帛八
駿自應驕

臺上

塞水波聲杳宮牆木葉深 君王載戎服歲晚
過汾陰白纛風雲氣玄冥鴻鴈音稻梁猶有分
軒冕竟何心祇放中原鹿翻田上苑禽憂時誰
向道端合早投簪

送林茂貞大理二首

君今執法白門西余亦將隨倦鳥棲黃籜爲冠
芟爲服幾時停棹武夷溪

其二

武夷溪上水濺濺東入滄溟天漢連萬里裹糧
從汝去乘槎直到女牛邊

陳執之宅同諸君酌菊二首

祇抱霜雪姿風沙悵獨悲親朋更此地酩酊對
花枝栗里歸心遠瀟湘秋事遲東君不相識只

自向華滋

其二

繡衣都下宅叢菊好花枝延客尊壘罷良宵風
露垂娉婷豈自媚遲暮死相宜故國鼇峯上繁
英今滿籬

五子二首

曹王振大雅抗懷逐游龍江馬亦決驟連翩乘
上風汪生何慷慨接響蒼雲中京洛五鳳翔矯
然下梧桐和鳴正以則至音激黃宮叔世競蟬
聒置爾荆棘叢上林逝若脫遐趾隨斷蓬素絲
易以染姣女難爲容行矣斂華飾達人有深衷

其二

太山五株松冬夏恒蒼蒼涼風旦夕勁聲聞一
何長聲聞曷足貴所貴蒙雪霜東封翳隆爵俛
首以徬徨何言倏幪勛乃見斤斧傷蒼顏日摧
頽卒歲增慨慷但令本根固繁條會有強依依
女蘿草永言附遺芳

曉入左掖

禁城萬木下蕭蕭海霧陰連金水橋 七廟衣
裳還紫氣九重宮闕自丹霄喜聞行部風雲陣
轉憶 先皇鵷鷺朝海內何人憂社稷邇來賢
士困漁樵

長安

漁陽上谷古幽州王業千年易水流胡騎遠窺
青海月秦城長建白龍旂總愁關塞生多壘未
道蕭牆隱百憂日短時艱衰病早幾回簪芻夢

滄洲

冬日遊翠微至香山晚歸更酌湖上

日暮羣山生彩霞草黃湖白見天涯關河北繞
皇輿壯胡隴西連狹道斜共愛樓臺穿錦樹
兼看鳧鶩亂晴沙南冠未遂滄洲計椰葉鷗羣
近釣槎

正德十四年四首

君王按劍東南征錦障黃旗出鳳城矯矯六飛
熊虎士中原萬里倚戈行

其二

雲中鐵騎獵漁陽
鼙鼓填填夜未央
白馬將軍傳號令
金盤寶篋進壺漿

其三

黃牌使者出行營
選舞徵歌傾衛城
報道儒生飭士馬
南州叛賊一時平

其四

桑黃渺渺躡飛塵
清路人傳天子真
宰相無須保車駕
至尊雄武動如神

順門曉直

城上清鐘散御墀
曙鴉聲動萬年枝
天迴閣道星辰迥
雲捧乾清歲月遲
內省尚承東闕旨
從官稀見早朝儀
羈孤愁斷周南目
仙仗新傳到具茨

冬日順門陪九卿請駕視牲

春曙復冬初
仍瞻白鷺車
禮從郊廟損
天入震離虛
江漢哀戎馬
巖堂望諫書
生慙百里子
去國意躊躇

雪中遊報國寺

雪裏經過報國寺燕京氣候欲冬深樓臺近引
山河色風日初含松檜林竝擬散愁聊出郭那
堪痛飲益沾襟南巡輅馬今何處百萬貔貅行
路心

南宮對雪

南宮雪深朝未稀冰廳映日還輝輝天寒野鳥
濕不下風急靈鶴今何歸袁安閉閣自進退揚
雲著書猶是非束帶栖栖豈余志數年朝士俱
戎衣

送人之鬱林二首

蒼梧之峯雲萬盤下控牂牁連百蠻莫道蠻方
非近地日南南是漢關山

其二

鬱林東下對扶桑黑霧沉山日暈黃鷓鴣啼上
枕椰樹一寸鄉心萬里長

蜀中歌五首

巴東春水錦江來流入荆吳萬里迴樓船細逐
江花去不見瞿塘灩澦堆

其二

峽猿啼過下牢關
雪嶺連天三百盤
錦官城外西遊客
白日高歌行路難

其三

連雲不斷三危路
雄略猶殘八陣圖
巫峽劔門天地險
錦官白帝霸王都

其四

灤東灤西花映渠
浣花草堂今有無
苦憶平生杜陵老
暮年涕淚滿江湖

其五

文園尚憶馬相如
錦水風雲逐駟車
若道君王慕封禪
西京元有茂陵書

送蘇侍御從仁使蜀

驄馬今何去
亥宜歲已殘
風雲行劔閣
鉦鼓動松潘
事在西戎部
功虧舊將壇
懷柔亦邊略
要識聖恩寬

依依

獨有南冠客
依依郭氏臺
未酣燕市酒
翻惜隴

頭梅漢戍連城動胡關千角哀縣金買駿地徒
使壯心顏

送人之嶺南二首

蠻江春色接瑤京江岸桃花流水聲他日雙鳧
來謁帝蓬萊宮畔笑相迎

其二

潮州東門鱷徙溪行路蕭蕭猿狖啼可耐曩時
勾漏令雲車更度鬱林西

夢王伯安

美人入我夢惠我白雲詞述作何多事經綸非
爾時空齋下烏雀深水伏龍螭尚愧瑤華贈悠
悠江漢思

巴人曲

峨眉山色上青霄白帝祠西巴路遙二月巴江
花爛熳一聲羌笛爲停橈

人日

人日堂階春雪飛齋居閉門生事微仙家栢葉
那復有燕市椒花仍自違久病坐看時序轉倦

遊漸覺故人稀
闔山越岫堪攜杖
猶向風塵緇
敝衣

送徐登州問

爾今出守東牟國
余尚依依鵷鷺羣
宛洛竟縣高士榻
瑯琊真待子虛文
沙門瑤草祗昨日
海市珠宮空暮雲
只恐飛帆逐仙去
蓬萊迢遞不相聞

題呂紀畫鶴

國朝畫禽誰最精
四明呂紀推獨步
貌出青田一片影
天機物色生毫素
霜翎藻質何翩翩
月下蒼虬欲上天
半夜狂風吹碧落
揚聲直徹廣寒邊
鳳凰不來猿鶴悲
似憐獨立羽毛稀
若遇遼東丁道士
聯袂接翼與同飛

柬顧華玉

在昔過逢日
天台山雪生
何期易水上
同憶赤霞城
杯動青春色
堂含滄海聲
終焉謝朱紱
攜手石梁行

安期生

人言千歲公昔在阜鄉亭賣藥青海上徒聞千
歲名雙留赤玉舄珍重報秦庭東指蓬萊頂風
波連紫冥河津不可渡誰識安期生

送人之金陵

金陵吏隱去結綬興悠哉滄海東南莫長江巴
蜀來白門萬柳樹嫋嫋接行杯晉室風流在猶
傳謝傅才花繁佳麗地天近鳳凰臺祇憶鱸魚
美鄉書旦暮回

寄安公石黃門二首

聞君久住成都市豈爲成都賣卜錢萬里橋西
逢蜀使問余何事女牛邊

其二

草玄亭下浣花溪載酒看花隨杖藜青春不斷
黃牛峽日日思君猿狖啼

漫興

龐公擬向鹿門隱元亮翻爲孺子謀千里青山
妨墨綬幾年滄海弄漁舟堞樓日斷風沙暮省
樹天回關塞秋歲晚朝班終解去偶耕隨地得

巖丘

送人之贛州

西江兵亂後，作宦意悠悠。
祇愛青油幕，高橫白鷺洲。
風塵翻下戰，歲月贛江流。
應羨陶皮隱，桃花開未休。

送李川父赴沔陽

一杯燕市酒，別爾意難平。
嵩嶽真棲客，沅湘游宦情。
南風吹錦旆，遙度竟陵城。
吳楚兵初解，鄒枚道自行。
如何歌郢曲，祇以觸猿聲。
宣室思才子，能無召賈生。

子能無召賈生

贈方梅墅

方干樂道處，小墅野梅開。
對客翻高調，飛花片片來。
蘿雲蒙臥榻，隴日照行杯。
不耐王孫思，春深未却回。

送人之惠州

名家參政下，獨覺仲容賢。
宦轍今何往，卑棲此最便。
物情滄海俗，天氣百蠻烟。
祇近啼猿樹，鄉心日夜懸。

馬伯淳西歸

與君同去國別路各悠悠吾邑東海上終南西
雍州何時報縞帶於此解紆裘萬事將慈母長
歌渭水流

春暮游城西寺

毘盧千佛閣近在綠雲中客到虛無岸春歸鶯
燕叢燕臺望不及古意渺何窮擬入東林社殷
勤向遠公

山人

呂公嘉遯處雲鳥靜相親日與嵇中散沈冥山
水濱鴈蕩斜連海桃源直避秦齋居玩易理龍
性可能馴

送人下第歸蜀

黃金臺上草已蕪錦官城西花映渠知君賣卜
成都去不羨風雲駟馬車

贈夏公謹

芳洲桂樹好自攀山人未歸鵷鷺班天香暗結
黃金粟歲歲飛花霄漢間煙霞祗弄丘園色風

集詩 卷之六
雨長過龍虎山草碧淮南定憶汝雲臺錦石喜
人還

別林克相二首

荆下傳詩句滄洲拂釣竿正思龍臥穩翻惜鴈
歸難燕壁雲回合閩關天鬱盤飛騰最憐汝慷
慨一彈冠

其二

汝復彈冠出余今解綬回平生一掬淚灑向黃
金臺戎馬東南劇鼓鼙城闕哀無能奏羽獵翻

愧子雲才

贈吳生

稻梁荒楚塞鴻鴈尚安歸祗避雲中彈冥冥天
外飛子有鸞鳳質枋榆非所依風塵好自惜莫
損綵雲衣

贈山人受封

念彼南山隱南山鬱自怡時聞春雨外高倡紫
芝詞猿鶴心同遠裘羊逕不緇莫嫌兒女笑宮
錦照龐眉

我昔遠行邁

我昔遠行邁飄颻度溟渤洪波浩漫漫東下遍
窮髮蓬山彷彿見鼇足互興沒回瞻赤霞城照
耀金銀闕道逢五行仙姣好若冰雪璘璘白鶴
車翩翩逐雲月導我探魚腸迺得餐玉訣入山
採黃芽和之以璚屑服食引奇齡秘訣不敢泄
斂衽入懷抱三載字未滅歸來歷故都不復見
物色回首望徽音徽音已斷絕桃花源不昧去
矣忘其筏

南歸過姚氏園

雲霞深護芳樹村門巷陰連流水源童子青衿
應賓客丈人黃髮對丘園池間鷓鴣回翔好沙
上蘼蕪空翠繁渡落新從栗里去問予松菊舊
柴門

崑崙子

君本崑崙客巖扉星漢連流沙拂袖去述作爲
誰傳紫芝秀可掇青牛何當還異時求物色蕭
颯白駒篇

安陵阻風

落日安陵上荒蕪望薊丘風沙無晝夜家室此
淹留江漢悲多故干戈賦遠遊河清是何日吾
志欲東周

衛河集別

去國心仍苦風塵病未休六飛淹歲月八極想
遨遊水動魚龍夕雲盤鸛鴨秋江山回紫氣沙
塞度青牛祗有簪萍戀聊爲文字留遐心渺無
盡寄與衛河流

王右軍

右軍鸞鳳姿初之亂寓隆想沉睡乃真覺坦臥亦
踈朗臨池灑妙翰抗意風雲上籠鵝事偶然草
經有攸往

南望湖二首

南望諸湖波映空揚舠東逐芰荷風垂楊亂覆
茅簷綠好着魚梁山照中

其二

湖上空波明綵霞逢逢花鼓若爲搗雲帆擬挾

集詩 卷之六
飛仙去滄海驚傳銀漢槎

黃河二首

五月黃河風不迴六鼇東湧雪山來烏檣天轉
蛟龍窟未道瞿塘灩澦堆

其二

桃源縣前雷雨急洪河拍天黃霧深淮南古意
正愁日更着夷歌亂客心

遊金山寺

地控恒沙界峯迴滄海波潮聲永夜壯雲氣秣
陵多龍窟存光怪鮫宮湛綺羅黃旂蔽江左何
日返天戈

上妙高臺

雲海冥冥望不迴鯨波東蹴巨靈開中天樓閣
虛無裏南國風煙江漢來世短動經多事日愁
長況上望京臺白門金鼓維揚卒落日空傳黃
竹哀

蘭陵贈王誕敷使君

何處見君子蘭陵西上門坐看蒼翠色蔚蔚照

熊旛爾本蜀中彥才如橫海鯤余方閩地隱夢
逐故山猿鬱彼風雲志潛然廊廟言竝收弘治
籍惟戀 孝陵恩漢主親戎陣書生俎豆存迢
迢去住意一與醉芳樽

贈杭方伯兼東東卿提學

邠原猶薄宦疏廣已遺榮無復周王獵誰矜釣
渭名余亦武夷去探元學久生逢君五湖畔北
眺有餘情

汎舟遊宜興山水將入張公洞柬杭氏兄

弟

尋仙直探山水窟脫屣何須書畫船遠岫高雲
行落日平蕪大澤失炎天揔聞蔣詡求羊逕未
分嵇康服食緣翠幘平生最浩蕩來遊五嶽頓
能便

璿州歌五章

青氊烏帽適天涯白首投荒莫咄嗟東傍扶桑
多蕙苾南過勾漏有丹砂

其二

長鯨一湧雪山翻海若爰居不可馴知君定怕
風濤急白地風濤怕殺人

其三

君家住近海門潮君去朱崖不寂寞悄悄兩
能人語種種烏蠻解漢謠

其四

蠻子灘頭興不孤桄榔樹下打媪媪年年五月
荔枝熟翻恠先生愛索居

其五

嶺表黎酋分鳥羣桂林象郡總能文更憐蜃氣
朝朝見莫厭猿聲夜夜聞



